


বাচ্ছাগিলদর জনো বাইবেল  
উপস্থিত

যীশুর জন্ম



কায় নেথিসে: Edward Hughes

বখ্যা কৰিচে: M. Maillot

উদাহৰন দিয়া বুঝাইসে: E. Frischbutter; Sarah S.

ভাষা পালেট দিসে: রমেশ রাই

ছাপাইসে: Bible for Children

[www.M1914.org](http://www.M1914.org)

BFC

PO Box 3

Winnipeg, MB R3C 2G1

Canada

©2016 Bible for Children, Inc.

অনুমোতি: এ গল্পটোৰ একখন কপি তোৰঠে ৰাখিব পাৰিস বা  
ছাপাকোৱা পাৰিস, কিন্তু বেচেবাৰ পাৰিস না।



বহুদিন আগেতে, ঈশ্বর উয়ার দুত  
গাবরিয়েলোক মরিয়ম নামক একটা যীহুদি  
গাবুর চেংডীরঠে পেঠাইছে। উয়াই উয়াক  
কইলেক, “তোর একটা চেংরা ছাউয়া  
হবে আর উয়ার নাম রাখিবু যীশু,  
উয়ায় সবাই সবচে উপোরের  
বেটা কইবে

আর ও  
চির’দিন রাজ  
করিবে।”



মরিয়ম অবাক হযা পুছিলেক, “এইটা  
কেং করিয়া বাস্তব হইবে?” মোর  
তো এলাও বিয়া হয় নাই। স্বৰ্গদুত  
তাক কইলেক যে ছাওয়াটা  
পবিত্র আত্মা থাকি  
আসিবে আর তার  
মানষি বাপ  
হইবেনা।



ইয়ার পাছত খবরियाটা  
মরিয়মক কইলেক যে উয়ার  
মামির বেটি বইনি এলিজাবেত  
বুড়া বয়সত চেংরা ছাওয়া  
পাইবে। এইটা একটা  
মারাত্মক ব্যাপার।  
সেজন্য তারাতাডি  
মরিয়ম এলিজাবেতের  
সাথোত দেখা  
করিছে। উমরা  
দুইজনে ভগবানের  
গুনগান করিছে।



মরিয়ম সেলা যোসেপের  
সাথে বিয়ার পাকা-পাকি  
ভাবে আশুবাদ হইছে।  
যোসেপ খুবে দুঃখ  
পাইলেক যেলা উয়ায়  
জানিবার পাইলেক যে  
মরিয়ম গাভ-ভারী  
হইছে। উয়ায় মনে  
করিল যে মরিয়ম  
হয়তো অন্য  
মানষির নগদ  
আছে।



ভগবানের খবরীয়া স্বপ্নতে  
যোসেপ'ক দেখা দিয়া কইলেক  
যে ছাওয়াটা হইলেক ঈশ্বরের  
বেটা। এজন্য যোসেপ  
মরিয়মক বিয়া করির  
যেন হাতাস না খায়।



ঈশ্বরের উপরত নির্ভরশীল আর বাধ্য আছিলেক যোসেপ।  
দেশত যেইলা নিয়ম আছিলেক উয়ায় সেইলা মানিয়া যোসেপ  
আর মরিয়ম জন্মভিটা,  
বেতলেহেমোত জাওয়া  
নাগিলেক।





মরিয়মের এলা বাচ্চা  
দেওয়ার সময় হইছে। কিন্তু  
যোসেপ কুনোঠে একটা ঘর  
পায় নাই। তামান  
সরাইখানা  
আর হোটেল  
ভর্তি হইছে।



শেষ-মেঘ যোসেপ একটা গোয়াল ঘর পাইলেক। ওইঠেকোনা  
বাচ্ছাটা জন্মিলেক। বাচ্ছটার মাও, মরিয়ম, গোয়ালি'ঘরত

গরুর টোপাত খেড়  
দিয়া বাচ্ছা ছাওয়া  
যীশুকে শুতিয়া  
থুইসে।



রাখুলিয়ারা নিন গেইছে ভেড়ার পালের পহরা দিবার  
নাগিসিলেক। ওঠেকোনা ভগবানের খবরিয়া  
উমারঠে গেলেক আর এই বড্ড খবরটাও  
দিলেক।



“এই দায়ুত নগরত আজি খ্রীষ্ট যীশু জন্মিলেক।  
তোমরালা আজি গোয়ালি ঘরের টোপাত  
বাছা যীশুক দেখিবার পাবেন”।




আচম্ভিত, ঈশ্বরের গুণ-গান করিতে করিতে  
স্বর্গদূত প্রকট হইলেক আর কহিলেক,  
“ঈশ্বরের মহিমা হউক, আর দুনিয়াত  
শান্তি আসুক,



ঈশ্বরের আশা  
পূরন হউক”।



ভেড়ার রাখুয়ালিরা ওঠিকোনা তাড়াতাড়ি  
খুশিতে চিকিৰিবার নাগিল। বাচ্ছা ছাওয়া  
যীশুক দেখিয়া উমরা প্রচার করির নাগিল  
যেই করিয়া খবরিয়ালা কইচে।



৪০-দিন পাছত, যোসেপ আৰ মৰিয়ম  
যীশুক নিয়া জেরুসালেমের মনদিরত  
গেইছে। শিমোন নামের  
একটা মানষি আৰ একটা  
বেঠিছাওয়া যীশুর জন্য  
ভগবানঠে ধন্যবাদ দিছে।



উমরা দুইজনে মুক্তিদেওয়া ভগবানের  
কতা গিলার বাদে বুঝিবার পাইছে যে  
যীশু ঈশ্বরের বেটা। যোসেপ  
দুইটা পখী ছাড়ি দিছে।  
ঐটা হলেক গরিবখান  
দান যেলা উমেরা  
ঈশ্বরের-ঠে  
নতুন  
বেটা-বেঠি  
ছাওয়া  
পাইয়া  
তার  
কাছে  
আনিল।




কিছু সময় পরে  
পূর্বের দেশ থাকি কিছু  
পন্ডিত মানষি একটা  
বড্ড তারা দেখিয়া  
জেরুসালেমোত  
আসির নাগিল।

যীহুদীর রাজা কঠে?  
হামরা উয়াক ভক্তি  
দিবার চাছি।




ঐ পন্ডিত মানষিলার কতা  
রাজা হেরোদ শুনিচে। হেরোদ  
রাজা পন্ডিত মানষিলাই  
কইলেক্ যে উমূরা যীশুক  
যেলা দেখিবে সেলা যেন  
ফিরিয়া উয়াক জানাই,  
আর উয়াই পন্ডিত মানষিলাই  
কইলেক যে, “মুইয়ো উয়াক  
ভক্তি দিবার চাও”। কিন্তু  
উয়ার মিছা কতা কইছে।  
আসলে হেরোদ  
রাজা যীশুক  
মারিবার  
চাইছে।



যোসেপ আর মরিয়মের সাথে যীশু  
যেটেকোনা ছিলেক ঐ বড্ড তারাটা  
পন্ডিত মানষিলাক ওঠেকোনা নিয়া  
যাবার বাদে সহয়তা করিলেক।  
পন্ডিত মানষিলা হাটুয়া ফেলেয়া  
ভক্তি দিয়া যীশুক  
সোনা আর ভাল  
গন্ধের জিনিস  
পাতি দিছে।



ঈশ্বর পন্ডিৰ মানষিলাক কইছে  
যে উমরা যেন চুপ্-চাপ কড়ী  
ফিৰিয়া জাই। হেরোদ খুব রাগ  
কৰিচে। রাজা বড্ড গোসা হয়  
যিশুক মাৰিবার বাদে বেতলেহেমোত  
তামান বেটা ছাওয়ালাক মাৰিলেক।





কিন্তুক হেরোদ রাজা ঈশ্বরের  
বেটার কোনো ক্ষতি করির  
পায় নাই। স্বপনোতে ঈশ্বর  
যোসেপ্'ক সাবধান করিলেক  
তাই উয়াই মরিয়ম ও বেটা  
যীশুক নিয়া এজিপ্ট  
জাগাত ভাল করি  
নিয়া গেছে।



যেলা হেরোদ মরিলেক  
সেলা যোসেপ তার  
পরিবারক নিয়া ইজিপ্ট  
থেকে ফিরিলেক।



উমরা গালীল শাগরের  
গোরোত নাজারত নামক  
ছোট্ট শহরে থাকিবার নাগিল।



## যীশুর জন্ম

ভগবানোর গল্পগিলা হামরা বাইবেলোত দিখিবার পাই

মথি ১-২, লুক ১-২

“ভগবানোর কতা জ্যোতী আনে।”

গীতসংহিতা ১১৯:১৩০





সমাপ্ত



36



60



এই বাইবেলের গল্পখান হামারলাক কইচে যে হামার আশ্চর্যজনক ঈশ্বর হামাক সৃজন করিচে আর উয়ায় চাই যে হামারলা উয়াক জ্যেনো জানি।

ভগবান জানে যে হামরা সব সময় খারাপ কাজ করি আর উয়ায় ইয়াক পাপ কইচে। পাপের শাস্তি মরন, কিন্তুক উয়ায় হামারলাই এমন ভালবাসিলেক যে উয়ার একমাত্র বেটাক- (যীশুক) এই দুনিয়াত পেঠেয়া দিচে যেন উয়ায় হামার আর যাই তোর পাপের বাদে ক্রুশত মরিলেক। কিন্তুক যীশু আবার জিবিতি হইলেক আর স্বর্গত, তার আসল বাড়িত চলি গেলেক। যদি তুই যীশুক বিশ্বাস করিস আর পাপের ক্ষমা চাইস তাহলে উয়ায় শেটা তোক দিবে। উয়ায় এলা আসিবে আর তোরঠে থাকিবে আর তুইও উয়ার নগদ চিরকাল থাকির পাবো।

যদি তুই বিশ্বাস করিস এইটা সত্য, তাহলে ঈশ্বরক তুই ক।

প্রিয় যীশু, মুই বিশ্বাস কর যে তুই ভগবান আর মানষি রূপ ধরিয়া মোর পাপের বাদে মরিল আর এলা তুই আরও ফিরিয়া আসিছিত। দয়া করিয়া মোর জীবনোত আসিয়া মোর পাপ ক্ষমা করো যাতে মুই নতুন জিবন পাই, আর এক দিন তোরঠে জাবার পারি চিরকালের জন্য। মক সাহাজ্য কর যাদে মুই তোর বাধ্য হয় আর তোর বেটা হিসাবে বাচিবার পাও। আমেন।

প্রতিদিন বাইবেল পর আর উয়াক সথে কতা কও! যোহন ৩:১৬

